

FAU-møte 25. oktober

Til stades: Ingrid Underhaug Nielsen, Helene Hognestad, Lena Taksdal, Jorunn Erga Steinsland, Oddny Dubland, Anita Auglend (vara for John Sægrov Holm), Kristian Hognestad, Tommy Hognestad Liland

Sak 16. Hei Verda

Ingveig informerte. I år skal Hei Verda arrangerast 3. november med open skule frå kl 11.00 – 13.30. Lærarane set pris på at det er på dagtid. 7. trinn lagar pizzasnurrar som skal seljast i kaféen. Dei lagar óg to kaker. FAU skal levera fire kaker. I møtet melde representantane frå 1.-, 2.-, 3.- og 4.-trinn seg til å ordna kaker.

Elevane skal springa for å samla inn pengar 2. november.

Under open skule skal det vera ulike aktivitetar i klasseromma, kafé og fellesdel i hallen med åresal. Ingveig har fått inn litt premiar, men oppfordrar dei som har moglegheit til å bidra til å senda med elevane på skulen. Ein premie kan vera ein linjal eller ein sjokolade. Det treng ikkje vera store ting. Det er kjekkast at mange vinn litt. Årene skal kosta 15 kroner per stk.

Dette har elevrådet bestemt.

Alt kan betalast med Vipps.

Sak 17. Trafikksikring – Orientering frå SU

SU har diskutert desse trafikksikringstiltaka i Hognestadkrinsen:

- Intensivbelysning i krysset Grødemsvegen/Hognestadvegen, i tillegg til gatelys eit stykke mot Grødem.
- Gangfelt mot Herigstadvegen.
- Fri sikt og beskjæring av tre og buskar i kryss og langs sykkelstiar.
- Breiar vegskulder langs Herigstadvegen.
- Gangfelt over Herigstadvegen ved gang- og sykkelvegen langs Hognestadvegen mot Bryne.

Skulen har trafikksikring på dagsorden i løpet av året, og informerer om dette på foreldremøte.

FAU melder inn punkta over til Monika Aga på Oppvekst i kommunen. Det er kommunen som set opp prioriteringslista for kva som skal gjerast fyrst.

Kristian sender e-post om ønska trafikksikringstiltak til kommunen.

Det er lenge sidan det har vore fartskontroll ved skulen. Fau speler vidare eit ønske til politiet om fleire fartskontrollar i tida som kjem.

Lena tek dette vidare til politiet.

Sak 20. Anna

Dekket i bingen.

- Det er sagt tidlegare av kommunen sine folk at det som blir tatt av på Rosseland kanskje kunne brukast på Hognestad, men det ligg visst i Hetlandsgata nå.
Tommy har snakka med Sveinung Riska som seier me står i kø og at denne er lang.

Kan me søkja om støtte til nærmiljøanlegg? Tommy sjekker om det går an å søkja. Finst det andre plassar me kan søkja? Dette må me undersøkja nærare.

- Elevrådet har kjøpt utstyret dei ba om støtte frå Fau til.
- Skulen har tilsett to nye lærarar, Beate Gudmestad Hognestad og ei dame til. Namnet var ikkje offentleg då Fau hadde møte.
- Begge vart lyst ut på Time kommune si heimeside. Dei hadde sju søkjavarar, alle var kvalifiserte. Dette er veldig bra. Rektor er veldig fornøgd med talet på kvalifiserte søkjavarar. Namnet på den som fekk stillinga blir offentleggjort neste veke.
- Ingveig tok vidare fine ord frå lærarane til foreldra: Takk for at ein stiller på trafikkdag og all oppfølging av Relemo.
- Kristian spurte om det finst ei gáveordning der privatpersonar kan gi gáver eller pengar til skulen. Ingveig svara at skulen ikkje har lov til å ta i mot, men at skulen har lov til å ta i mot konkrete ting, som ein vask eller eit nett.
- FAU sponsrar faklar til fakkeltog 6. desember. Ingveig fikser faklar.

Sak 19. Nytt frå KFU

Ingenting nytt. Fyrste møte er i midten av november

Sak 18. Rehabilitering av skulen

Kommunedirektøren sitt forslag til økonomiplan for dei neste fire åra vart lagt fram same dag som Fau hadde møte.

Her vart det informert om at kommunen er under press økonomisk. Renteutgiftene har eksplodert og alt har blitt dyrare.

Symjehallen og rehabilitering av Hognestad skule er foreslått sett på vent og flytta til etter 2027.

Hognestad skule låg inne i 2026 og 2027.

Nå skal politikarane jobba med denne planen og laga sitt eige forslag. Økonomiplanen blir vedteken av kommunestyret 12. desember.

Skulebruksplanen blir laga og går ut på høyring i vinter.

Arealplanen kjem utover våren.

Ein del av bakteppet for Fau i denne saka er at Høgre og Venstre har flagga at dei meiner det er rett å leggja ned Hognestad skule.

Skulen blir i dag driven på dispensasjon frå kommuneoverlegen. For å driva vidare utover denne økonomiplanperioden, må kommuneoverlegen godkjenna skulen for fire nye år.

Dispensasjonen handlar truleg i hovudsak om universell utforming og lysforhold i kjellaren.

Tommy opplyser om at ein rapport slo feilaktig fast at klubbhuset ikkje kunne brukast som klasserom. Dette har kommunen, ved kommunalsjef, beklaga.

Ingveig sjekkar med kommuneoverlegen om korleis skulen kan få ny dispensasjon for å driva skule i kjellaren.

Fau må jobba opp mot politikarane og er samde om at det kan vera lurt å fokusera på at det kan byggjast ut og rehabiliterast i fleire steg, og at ein då ikkje treng ein stor enkelsum, men kan fordela investeringa over fleire år. Dette vil óg løysa utfordringa med kor ein skal ha elevane under bygginga.

Hognestad Idrettslag har akkurat fått teikningar på ein moglegheitsstudie for utbygging på halve fotballbanen og areal ved klubbhuset. Teikningane blir viste fram. Idrettslaget deltek på eit møte om økonomiplanen for lag og organisasjonar mandag 30. oktober. Desse planane vil bli presenterte der.

Kva gjer me vidare?

Me fordeler politikarane mellom oss og ringer. Jorunn og Kristian set opp talepunkter som alle kan ta utgangspunkt i og fordeler namna mellom Fau-representantane. Me tek vidare dialog om dette på Facebook.

Me snakka om å gå på gruppemøte. Dette kan særleg vera aktuelt til dei partia me veit er positive i utgangspunktet.

Gode tips til talepunkt:

Du kan utsetja eit prosjekt, men ikkje ein barndom. (Sitat Olaug Bollestad)

Trygt og stabilt og godt.

Stabilitet er nøkkelen, stabile gode fagfolk, miks i alder.

Me har kvalifiserte lærarar på Hognestad. Me treng stabilitet i skulane. Me trur at folka kjem viss me får ro.

Ref. Jorunn